

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 181. Idem relicta Bohemia Romam reversus

[urn:nbn:de:hbz:466:1-66507](https://nbn-resolving.de/urn:nbn:de:hbz:466:1-66507)

consensu redarguere, ac perversam illius secul. XV.
indolem manifestam reddere potuisset, oc-
casione neglecta, nequidem ullum pro-
tulit verbum, quod Rochisanam offendere,
aut in se Fautorum ejus invidiam con-
citare potuisset. Nihilominus tantum
absuit, ut Viri moderationem deprædi-
carent Bohemi, ut etiam eundem aper-
te accusarent, illum eo duntaxat consi-
lio hærentis orationem excepisse, ut Ro-
chisanæ confusionem, quam quidem te-
gere simulasset, omnium tamen oculis
manifestius exponeret. Denique tam va-
riis, indignisque modis Legatum habe-
bant, ut ei absque summi Pontificis, cu-
jus vices gerebat, injuria, necnon Apo-
stolicæ auctoritatis dispendio in tali re-
gno, ubi Ecclesiæ hostibus plena insul-
tandi libertas patebat, diutius morari
haud licuerit, quo circa ad sua reverti se-
rio meditabatur.

§. CLXXXI.

Legatus relicta Bohemia Romanam reversus.

Ceterum clam abire minus consultum,
suoque honori haud congruum fore
arbitrabatur. Verum nil proprius esse vi-
debatur, quam ut ob hanc ipsam decen-
tiæ sollicitudinem vitæ suæ jacturam fa-
ceret; Hussitæ enim non modo in Bohe-

O 2

mia

Sæcul. XV. mia insidias ei parabant, sed etiam ad potissimas Principum Germaniæ ditiones,
A C. 1448. quas Romam iturus peragraret, sicarios emittebant. Nihilominus tam provide

iter suum instituit, tantaque vigilantia ac studio a Principibus Imperii, & urbium Magistratibus, quorum terras pertransibat, protegebatur, ut tandem Hussitarum manibus ereptus, sanus & incolmis Romanam venerit, Papæ Legationis suæ rationem redditurus.

§. CLXXXII.

*Petarsco Bohemiæ Gubernator fatis
functus.*

Optimas hujus Legationis spes potissimum elusit dissensio Mainardum inter & Petarsconem, regni Gubernatores. Ille enim Catholicæ Religionis studio accensus primas eo curas intendit, ut avitas Patriæ leges, & sanam Ecclesiæ Romanæ doctrinam revocaret: Petarsco econtra, qui Rochisanam in paucis sibi carum Pragensi Ecclesiæ præfici, omni ope & opera contenderat, ægerrime tulit, Apostolicas literas tam avide expectatas longiori, ac nimium quæsita mora recusari. Nihilominus Mainardum tanto in honore habuit, ejusdemque virtutem admiratus est, ut nunquam illius consiliis palam obluctari, aut seditiosos,

quos